

嚴陵馬氏宗譜

詹字號

第一本

第一本

卷首

新序

誥命

卷一


凡例

譜序

陽宅圖

墓圖

像贊



梅
子

風 燄
飛 風

花
純
仁

寒
風
來
勢

刻
石
錄
卷

率流

相方

老泉蘇洵

太陰山文書

嚴陵馬氏重修宗譜序

蓋自宗法廢而譜法興譜也者所以正人心厚風俗統同宗之人而教以孝弟也夫一族之中生齒日繁遷流日遠未免視同姓若途人為非教典不忘之士知一本之明義所纂成譜牒昭示來茲其何以使後之人考世系以別親疎遠近之情篤

宗支以昭仁讓戢睦之風哉雲岫之
馬氏望族也自和溪諱祐者始厥
後雲初遞衍愈傳愈盛其散處此
若瓊桂若江南若黃饒若桐溪若
欽堂之星聚桐江之洋津星羅基
布所在皆有歷觀前譜序又所載
名公巨卿憲臺廉鎮自宋而元自
元而歷明自明而迄今德澤被之

當時功名垂於後世此則賢已備
詳之矣而吾之所為樂述者去豈
在鸞章鳳詔之輝煌爵位勲名之
赫濯詩歌銘表利達富貴之周詳
且盡云爾哉蓋探乎其原覬乎其
流而有以知馬氏積德之厚也咸豐
末年我麗邑疊遭兵燹戶口凋殫
人煙稀少而馬氏為派族居定聚

依然褰服先疇士食舊德來往通
商比戶漸形饒祔夏弦書誦子弟各
采芹香如馬氏積德之厚而何以承
承繼上蕃衍若斯也今年春族賢全
五物兄晉侯與合族酌宴在江南祠
設局所供什物咸取給焉而潤筆者
亦較他派為最多但念前譜修於
庚申歲適嚴城告警緘恐倉卒而

成倘有舛悞愈難稽考預集族賢醖
貲而重刊之工既竣屬余一言以弁諸
首余應之曰善哉是舉也馬氏其昌
大矣人能由己身而上溯高曾以及祖
祖尊祖也而孝道彰矣由己身而旁
推兄弟以及無服收族也而悌道著矣
士農工賈各執一業無匪彝滯僻之事
人心不由此厚乎冠婚喪祭互相慶

吊玄梅怨尋仇之舉風仍不由
此敦乎此即聖賢之立身也穆
昌大之率根基於此矣書曰作
德日休詩云聿脩厥德馬氏而世
守之將見英豪輩出簪笏雲興
先代之奇功偉績不於今日再
見也哉余忝居媿末不敢以
謏陋辭故紀其實如此

昔

光緒六年歲次庚辰夏月穀旦

恩貢生姍家愚弟汪溶頓首拜撰

